

HOMO IN SINGVLARI DVALIS,
 NEC DISSYLLABVM TANTVM ET BIPES ANIMAL,
 VT VVLGARIS FERT FAMA,
 SED SVpra VVLGI CAPTVM TOTVS ANCEPS ET DVPLEX,
 NEQVE VEL IBI SIMPLEX, VBI VIDETVR SIMPLEX
 ET SIMPLICISSIMVS.

NOVO DICHOTOMIAE ANATOMICAE SPECIMINE
 DVALISTICO CONSPECTIOR FACTVS

IN

EPISTOLA,

QVA

VIR O

PRAENOBILISSIMO ATQVE DOCTISSIMO,

DOMINO

CAROLO PHILIPPO
 DIEZIO,

DESIGNATO COPIARVM CIRCULI SVEVICI MEDICO CASTRENSI,
 DOCTORIS IN ARTE SALVTARI HONORES

GRATVLATVR

D. GEORGIVS FRIDERICVS SIGWART,

P. P. O.

T V B I N G A E

LITTERIS SCHRAMMIANIS.

✱

Quae leuior non nunquam videtur , grauior omnino saepius existit , ludendo docens & mansuetior Minerua , quam immitis illa , sui impotens , clamosa , iurgiosa , tumultuosa , imperiosa , obscura , ex atrata bile amarulenta & hypochondriaca , παρ ἑαυτῇ Φρόνιμος (Rom. XII, 16.) , sibi soli sapiens placensque , ceterosque omnes suo modulo attemperari gestiens , morose pia , vel potius impie pia , austera , hirsuta atque horrida , sub isthac certe adfectatae grauitatis acerbitate longe leuissima. Electi enim , & amice quidem clementerque flecti , non violentius atque imperiosius cogi , vult humanae mentis natura. Quo haec itaque inhumanior , eo illa est humanior , adeoque non tantum ornatio , naturaeque humanae acceptior , verum etiam multo felicio ad praeclarissima quaeque in veritatis morumque studio magistra.

Vid. Philos. moral. medic. Sect. II. Cap. III. de suspectis non suspectae in emendandis hominum moribus satirae osoribus.



Quot homines, tot capita (reali puta effigie tales.

Qui enim capite carent, hoc sensu *acephali*, eorum aut nulla sunt, aut equidem nulla noui exempla, ut ut eorum, qui alio sensu *acephali*

li sunt, atque ab eiusdem familiae *bucephalis* paullulum differunt, occurrant quam plurima. Sed hæc per parenthesin, primam quidem, quæ veniam petit, & sibi & sequentibus claudatur *acephalis*!) *Quot, repeto, homines, tot capita, quot capita, tot sensus, quot sensus, tot hominum de semet ipsis ceterisque sententiae, opiniones verius dixerim. Nec nostrae utriusque, L. B. de altero, nec de aliis, eadem sunt sententiae. Saltem per principium indiscernibilium non possumus non in iis discrepare. Suum enim cuique est ingenium, suus cuique mos, sua cuique propensio. Immo ne hæc quidem semper & ubique sunt eadem, sed alio tempore alia, & diverso saepe plane diuersa. Id certe in memet ipso experior, mecumque in se experiri poterit quilibet, in se descendens. Idem vero experimur non semper satis iucunda ad nos attentione, sed molesto saepius sensu. Nostrapte enim culpa haud raro accidit, ut non optime finis variabiles Cauendum etiam est, ne ex nostris variabilibus aliorum metiamur variabilia, ne succenseamus aliis, qui forte minus fauste ex suis nostra metiuntur, ne, quia hoc facile usu venit, nostra ab aliorum mutabili natura nimis sit remota. Ecce TIBI, quisquis es, primam in edendis variabilis nostri ingenii fetibus*



bus obseruandam *regulam* ! Hanc equidem in praesenti molimine mihi scriptam esse sentio. Homo sum, & meae quidem mentis homo, ut suae alius quiuus. Meae mentis, repeto, adeoque humanae, &, quia humanae, variabilis etiam. Hinc *variantibus* omnino *lectionibus* non potuerunt non esse conspiciua, quæ in publicum adhuc emisi. Verum illa variabilia ut quoad rerum cardinem in vnum consentirent, ambitiose studui. Eadem deinde ambitione caui, ne meae ab aliorum *variantibus* *lectionibus* iusto recederent longius. Hodie, ut antea, homo, & meae mentis homo, pro variabili huius capacitate & impetu, alia iterum publicare non potero, quam quae ad aequae variabilem gustum non plane vbique erunt adcommodata. Sed stet sua cuique variabilis iudicatrix indoles, modo mea ab ista non nimis abludat ! Variatur enim sententiis in tanta rerum hominumque varietate. Minimis saepe momentis maximae fiunt inclinationes. Vertitur aetas, vertuntur mores, leges, consuetudines. *Alloeotica* sunt vitae genera & regimina.

Tempora mutantur, & nos mutamur in illis.

Immutabilis tamen stat *veritas*. Constat, aeternumque sibi constabit, eadem semper *virtus*. Eo igitur collineemus, oportet, oculos manusque in omni nostra *πολυμαθεία*. Eo collineemus qualescumque nostros adeo variabiles rerum variabilium inceptus, harumque rerum omnium actiones, verbo, omnem nostram *πολυπραγμοσύνην*. Eo, inquam, tendant, inque id vnum omnia confluant quamuis variabilia nostra studia, ad *veritatis* nempe & *virtutis* amplificationem, & salutis vnice inde pendentis constantem *finem*, constanti & invariabili dirigenda consilio. Summa & immutabilis lex est, quae nos tantopere mutabiles in eo capiendō mutabiles esse non finit. En *alteram* huius *scriptiunculae regulam* ! Aut male mutabilis sum, aut, quidquid in praesentia quoque mutabile in me esse sentio, id ut intra immutabile illud centrum consistat, curare debeo. Curabo id etiam lubenter ex immutabili hoc meo, nec hodie demum capto, consilio. Sed qua in re?



re ? Heic anceps haereo. Aliquid scribendi occasionem sub-
natam esse video. Scribendum mihi esse, quod, licet va-
riabile, a variabili tamen aliorum iudicio haud nimis abludat,
ad metamque insuper illam numquam variabilem tendat, pa-
riter intelligo. Verum, quid scripturiens eo dirigendum
scribam, non dum scio. Scio scribendam esse *epistolam*.
Volo hanc *gratulatoriam*, idque summo prorsus iure. Nolo
illam tamen vulgari more gratulatoriam, hoc est, vulgari
laudationum luxurie fecundam, sterilem rectius dixe-
rim. Plane enim steriles esse deprehendo saepissime, quas
fecundissimas arbitrantur, huiusce modi epistolas. Nolo ita-
que meam istarum similem: volo dissimilem. Qua in re, ad-
huc ignoro. Eccur vero ignorem in tanta rerum cogitatio-
numque de illis varietate? Mire varia & abundantissima est
rerum exquirendarum copia. Mire igitur varia quoque &
vberima speculationum de istis adfluentia. Cui inhaerere
praestet, ambiguum est. Optio difficilis. Quid ergo tan-
dem? Fluctuationis huius impatiens, filum ambiguitatis ab-
rumpo, quo ipso ducor ad omnium maxime ambiguum & com-
mune ambiguitatis fuscitabulum. Ecquod vero illud, curio-
sus quaeris. Noli, amabo, quaerere. Tute ipse, egomet
tecum, & nobiscum quivis alius, sumus peruagatum illud &
πολυθρήλκτον

varium & mutabile semper,

& certe non sola femina, vti fama vulgaris, sed iniusta, &
EURIPIDEA in feminas habet iniuria, verum vtriusque sexus,
& in utroque cuiusvis conditionis homo. Tanta est latitudi-
nis amplissimus hic hominis character, quem semper & ubique
exprimit constans ipsius inconstantia. Quanam enim, quam
hac in re, constantior deprehenditur? Proteus est, non tan-
tum, ubi male est variabilis, sed in uniuersum vere talis, etiam
non male mutabilis, ex ipsa humanitatis lege Vertumno mu-
tabilior. Fluxa ipsius mens, Euripo mutabilior est cogita-
tionum ipsius abyssus. Amicitia & voluntas sunt ambulatoriae.
Incerta est certissime ipsius indoles, & ad ambiguitatem factus



genius, nunc bono, nunc malo omine. Difficilis ipsi vlla in re mora. Constans ab vno ad alterum inclinationum transitus. Intus & in cute versipellis est, quotiescumque ipsi placuerit, & quando non placuerit? Temporum homo, cuius ingenium temporarium, animum subinde corpusque mutans. Quavis hora, quouis horae momento, a se ipso diuersus, totus, quantus quantus est, *alloeoticus*, semper ex ancipiti rerum mutatione pendens, quia totus anceps. Eheu! heic ipsemet anceps haereo. Nobilemne dicam, an ignobilem, hunc humanae ambiguitatis characterem, ambigo. At quid ambigo? Ipse sic ambiguus ancepsque homo nunc nobili, nunc ignobili nomine, anceps est. Haec vero de variabili rerum humanarum statu cogitata obseruataque tam clara, tam certa sunt, quam clarum certumque est, homines esse homines, ac proinde in finitorum, & propter hanc ipsam finitudinem in successiuorum serie constitutos, adeoque successionebus omni ex parte obnoxios. De hisce qui ambigeret, male esset ambiguus, ad solem caecutiret, vel, sibimet ipsi ignotus, stoica immutabilitatis fabula se ipsum deluderet.

Hac sub ancipiti speculationum mearum ambiguitate ille ipse propius mihi se offert, quem, ambiguo animo conceptum, in ambigui huius schedia-smatis rubro posui, *homo anceps, homo*, inquam, *non dissyllabum tantum & bipes animal, ut vulgaris fert fama, sed supra vulgi captum totus anceps, neque vel ibi simplex, ubi videtur simplex & simplicissimus*. Ecce tituli originem & analysin! Quod si tamen hanc epistolam dixeris ambiguam, nil habeo contra. Sin autem eandem eorum, quae mox dicentur, intuitu, pro monstrosa habueris, vtpote capite, quam reliquo corpore, grandiore, scias, ductam inde hanc similitudinem mihi pulchram, ipsique, quod intendo, aenigmati videri congruentem. Interim tamen, si pauciora inter, pluribus haecenus, nec tamen sine ratione dicta, & plura, paucioribus deinceps dicenda, distinxeris, non habebis amplius, quod monstrosi quid alere dicas. Supereisset, ut de *usu* ancipitis huius de ancipiti natura humana speculationis non nulla adde-

*
* *

addere. Verum in eo anceps esse nequeo, quod in se haudquaquam est anceps. Quis enim ignorauerit, ac non potius sua sponte senserit, quanti sit momenti sua ipsius intelligere ancipitia? Quis non intellexerit, quanti referat, eorum, cum quibus nobis res est, ancipitem intelligere indolem? Moralis philosophiae praeconibus *moralem*, reliquis Philosophis *metaphysicum* & *physicum*, Theologis *theologicum*, Iure consultis *iuridicum*, Politicis *politicum*, relinquo excutiendumque committo doctrinae huius *usum*. *Medicum* & *medico-chirurgicum*, *theoreticum* aequae ac *practicum*, alibi sumam explicandum. Idem quoque ex iis, quae infra sumus dicturi, intellectu haud erit difficilis. Duo sunt *causae*, quam tenebo & agam, *momenta*: *unum* in dictae ambiguitatis humanae expositione, *alterum* in huius characteris demonstratione ponendum. Vtrumque, quod facile praeuideo, multo est amplius, quam ut a pagellis praesentibus capi possit. Breuius itaque utrobique me expediam. Colligam characteris illius summam in pauculas, sed numerosioribus praedicatis constantes propositiones. His interspergam, non pleniores quidem demonstrationes, at praecipua tamen illarum fundamenta. Haec igitur, velim, respiciat LECTOR BENEVOLVS, nec prius, quam haec rite ponderauerit, praeiudicata quadam opinione a vero abripi se patiatur in diiudicandis illis *hominis ancipitis praedicatis*, quae neutiquam, ut primo quis forte adspectu suspicari posset, *ludicra* erunt, aut mere *satirica*, obiterque *iocosa*, aut plane *fabulosa*, aut denique *ερεπδόξα*, sed *realia* omnino & *seria*, quantumvis hinc inde paullulum quoque *aequivoca* & *παράδοξα*.

Prodeat itaque properante pede in orchestram homo multiplicis praedicati, *Homo* (ut *praedicata* illius, supra a limine iam exscripta, repetam, filumque hinc ad cetera continuo ductu producam) *in singulari dualis*, nec *dissyllabum tantum*, & *bipes animal*, ut *vulgaris fert fama*, sed *supra vulgi captum totus anceps* & *duplex*, neque vel ibi *simplex*, ubi videtur *simplex* & *simplicissimus*, totus anceps, anceps quoad utramque sui partem, *corpus* & *animam*, & quoad utriusque *communitatem*,
totus

totus anceps & *physice* , & *moraliter* , & vtroque modo tam *teste* , quam *aperte* , itemque tam *realiter* , quam *symbolice* , adeoque tam *serio* , quam *iocose talis* , duplex in vno , & vnus in duplici , tribus : ex vna parte *bicorpor* , ex altera *διψυχος* , bianimis , ex vtraque totus *bis animal* , *bicorpor* quidem ex toto , a capite ad calcem , & ab imis vnguiculis ad summum vsque verticem , biceps ergo (ni hydra interdum fit , vix Herculeae virtute edomanda) , in capite non solum bis oculatus (licet , altero clauso , saepe vix monoculus , aut binis oculis nil videns , male oculatus , vel testis , vel alia ratione in oculum vtrumuis otiose conquiescens , aut basiliscus plane , sed pulchre ita saepe etiam bilychnis & bigemmis) nec solum bis auritus (parens prolesue , nunc male auritus , nunc pulchre ita bipatens , nunc binis auribus non audiens , nunc in vtramuis aurem dormiens , *cet.*) non , inquam , solis oculis auribusque aperte biforis & biformis , sed & reapse bilinguis (cuius tamen lingua haud semper laete florens bifolium , sed saepe ferrum bipenne , vnde , qui cautus est ,

domum timet ambiguum Tyriosque bilingues)

porro bis gustans (lingua potius , quam intellectu) bis nasutus (saepe nasutulus tantum , nam

non cuiumque datum est habere nasum)

διτεγκέφαλος , biuertex , bicornis , bifrons , bifaciatus , bicolor (& discolor , cui saepe neque color constat , neque vultus) bidens (hinc saepe plus satis dentatus) bis vocalis (hinc loquax , garrulus , dicaculus) bicameratus , bicors (inde discors) bis gulofus (nec raro profundioris gulae gulo) digastricus (licet interdum monophagus) a natiuitate , sexus & aetatis respectu , bis nascendus , bis natus , bis viuens , bis moriturus , bigener , gemellus , bis mas (& mascule saepe duplex) bis femina , bis puer , vel puella , bis iuuenis l. iuvenacula , bis vir l. mulier , bis senex l. vetula , valetudinis intuitu , bis sanus , bis aeger , coniugii respectu bis caelebs , bis coniux , numquam *μονόγαμος* , sed semper *διγάμος* , adeoque



que semper vel bimaritus, vel biuira, bimammis, bis hastatus (licet *μορόβελος*) binaluis, *διδυμος*, hinc bifer, biparus, bipater, bimater, bilaterus, bicoxus (nec *μονόμοιος*) in extremitatibus etiam bimebris, bicubitalis, bipalmis, bimanus, (ambabus sua alienaque facile capiens & arripiens) bipes. Sed haec dictu nimis vulgaria & notiora, quam quae heic repeti mereantur. Visne propiorem magisque *anatomicam*, & ad sollemniozem *anatomicae analyseos* adornatam C. H. *dichotomiam*? En illam! Duo sunt in vno duplicis hominis corpore organico *systemata vniuersalia*, *duplicata* vtraque iterum vbique *particularia*: omnium princeps & primum *cerebroso-neruosum*; omnium vltima basis *osseum*. In omnibus & singulis manifesta duplicitas. Biformis itaque existit homo in corpore suo in vniuersum biformi, biformis inquam, a primo mollissimo cerebroso ad ultimum vsque corporis sui systema durissimum, osseum puta. Nominatim ergo existit bis cerebrosus, duplex in *cerebro* & *cerebello*, duplex in *medullari* compage *oblongata* & *spinali*, duplex in *neruoso* proxime inde oriundo *systemate*, duplex in *musculari*, duplex in *tendinoso*, duplex in *vasculoso*, sanguifero, serifero, limphatico, duplex in *glanduloso*, duplex in reliquo interaneo molliori *systemate*, duplex per *viscera* tantum non omnia, duplex adeo in duriori, tam cartilagineo, quam osseo, *systemate*. Vnum & vnum faciunt *duo*. Duorum concursus facit *dualitatem*.. Duo in vno constituunt *duplex*. Inde *duplicitas*. Quoniam vero non nisi similia numerari possunt, *dualia*, & *duplicia* dicuntur *paria*. Neruorum, muscutorum, & reliquarum C. H. *partium paria* existere, docet Anatomie. Eandem *duplicitatem* manifestam reddunt *Φαινόμενα*, in viuis obseruanda. Proximum heic subit idque triste *exemplum* curae meae commissi viri, *hemiplegiae* fulmine in dextro latere perculsi, indeque in eodem *paralytici* facti. Hic, per totum illud latus abolito motu voluntario, extinctoque sensationis organismo, exacte ita dimidiatus *semiparalyticus* adhuc iacuit: in altero autem latere pulchre viguit *systema*
() () *anima-*



animale. E. duo, E. eadem *distincta* in C. H. existunt *systemata animalia*, quorum vel utrumque viget, vel alterutrum dumtaxat, ut in hoc exemplo, vel neutrum, ut in paralyticis ex utraque parte, haud prostrato interim, nec vna abolito, *systemate vitali*. Neque enim, licet abolitae sint *systematis animalis functiones*, semper in eodem abolentur *functiones vitales*. Licet hoc videre in eodem ex *hemiplegia semiparalytico*. Quamvis enim *animale systema* per totum latus dextrum sit extinctum: viget tamen in eodem *systema vitale*. Rubent, calent dextri lateris partes aequae, ac sinistri, micant arteriae aequae viuide in illo, quam in hoc, ita quidem, ut numquam adhuc obseruauerim pulsus diuersitatem. E. non tantum duplex datur in C. H. *systema animale*, sed & ab hoc diuersum est *vitale systema*, pariter duplex. *Vita humana* omnino alia est *vita corporis humani*, alia *animae humanae*, alia *hominis*, quæ ex animae & corporis vita resultat. Similem in modum recte & utiliter distinguitur *mors corporis humani* a *morte animae humanae*, & ab utraque *mors hominis*, in animae a corpore suo separatione consistens. Vnde patet, mortuum, nec amplius *uiuum*, esse posse hominem, non dum mortuo, sed adhuc uiuo ipsius corpore, aequae, ac uiua superstitie ipsius anima. Patet vna, *mortem* quoque variam dari in homine non dum plane mortuo, & ante animae ipsius a corpore separationem. *Hemiplegiae* insultu tactum huius nunc *semiparalytici* latus ideo non prorsus emoriebatur, sed vigebat in illo adhuc calor motusque vitalis. Viuebat igitur aeger in dextro aequae, ac in laeuo latere *corporis vitam*, sed non item *vitam hominis*. Sufflaminata enim erat tam lateris adfecti in animam ad producendas sensationes, quam animae in latus adfectum ad producendos motus voluntarios energia. Nihilo autem fecius in altero interim latere non modo corporis, sed *hominis* quoque, viuebat *vitam*, hocque modo vnius tantum lateris erat homo, tametsi corporis vita vigeret in utroque. Hodie quum eum uisitarem, inueni, rediisse energiam adfecti lateris in ipsius animam, ex eoque hanc iterum sentire. Rediit itaque



itaque *sensatio* , non *sensus* ipse , vt vulgo vulgares , sed turpiter erronee , loquuntur *Pathologi* , in primis adeo *Psychologiae* principiis hospites ac peregrini. *Sensus* enim neutiquam aboletur in apoplecticis , sed *sensatio*. *Sensus* , deficiente licet *sensatione* , in anima manet superstes. Neque motus aboleri tam obiter , vt moris est , dici potest. Aboletur enim tantum *motus voluntarius* , neque ideo semper mox *vitalis* in ipso corpore. Restituta in hoc viro paralytico dextri lateris in animum ipsius energia ad sensationem inde producendam , necessario in hoc quidem latere ille *hominis* iterum viuunt *vitam* , sed ex parte tantum. Deficit enim adhuc animae in hoc latus energia ad producendum motum voluntarium. Non dum itaque plane vtriusque lateris existit homo , qui , vt integri *hominis* rursum viuatur *vitam* , optem , nisi contrarium statuerit immutabilis Prouidentia.

Alterum , quod referri huc meretur , humanae huius duplicitatis argumentum praebet *sudor vnius lateris* , de quo peculiaris existat dissertatio PETRI IMMANVELIS HARTMANNI , Hal. Magd. 1751. habita , quam me non dum comparare potuisse doleo. Notabile huius rei exemplum praebet observatio IACOBI SCHMIDII M. N. C. Dec. II. An. 2. Obs. 126. pag. 287. inserta , indeque a MARTINO SCHVRIGIO in Syllepsilog. Sect. V. Cap. II. §. XXVI. pag. 428. translata, his verbis : Sutoris Quedlinburgensis vxor sana & vegeta , ubi corpus a motu , vel adsumto sudorifero calefiebat , in singulis sinistri lateris partibus a capite ad calcem usque sudorem profundeabat largissimum : in dextro vero latere ne minima sudoris gutta , nec mador umquam erumpebat , quod numquam aliter contigit. Quoties vero haec femina ex marito concipiebat , statim toto gestationis tempore sudor per corporis partes in utroque latere ordinarie praerumpebat. Exantlatis vero partus laboribus , eo ipso momento dextri lateris pori concidebant , ac firmissime iterum claudebantur , adeo , vt ipsa sudorem totius corporis pro infallibili conceptionis indicio haberet , & quasi pro pathognomonico impraegnationis si-



gno in se iam agnosceret. Aequè memorabile mihi met ipsi notum est *exemplum*, *pueri* nempe Tubingensis, quem, cursu per hortum accelerato, superiore aestate aliquoties iucundo obseruavi spectaculo, in vno latere rubore, calore & sudore perfundi, altero pallente, frigidoque ac sicco manente, ita quidem, vt ad lineam, per mediam faciem ductam, exactè alterum dumtaxat latus frontis, nasi, genae, labiorum, menti, intense rutilum, calidum, ac sudore madidum conspiceret. Haec talia luculenter sane demonstrant, hominem omnino esse *bicorpore*m, seu duplici corpore praeditum, quorum alterum alteri simile, sed ab eo tamen plane exactèque sit distinctum. Verum *anceps* noster homo non tantum *bicorpor* est, sed & adeo *bianimis*. Altera haec *ancipitis* naturae humanae *duplicitas* magis fortasse *paradoxa* non nullis videbitur, quam ea, quam haecenus explicuimus. Quin nescio, an futuri sint quidam adeo orthodoxi, vt heterodoxam illam esse vociferentur, *ancipitis animae duplicitatem* ipsius *simplicitati* repugnare opinantes. Sed haec eorum fere erit suspicio, quibus, quae vel proxime a nobis absunt, veritates saepius videntur remotissimae. Etenim fuimet ipsius ignarissimus, & ab semet ipso remotissimus sit, oportet, qui ancipitem istam animae suae indolem non ita perspexerit, quasi ea, quae oculis cernuntur. Equidem illam, vt mihi, sic cuilibet alii, adeo compertam & manifestam esse censeo, vt magnas acturus nugas mihi videretur, qui eam operose explicare ac demonstrare adlaboraret. Ipsa haecenus exposita *anceps* hominis *duplicitas* alteram hanc eiusdem *duplicitatem* euidentem reddit demonstratque. Ipsa, vt dixi, *αυτοψία anatomica vulgaris* hominem sistit bicorpore. Paria & duplicata esse, quae solitaria huic videntur, detegit *subtilior* hominis bicorporis *anatome*. Eundem talem, vt pariter dictum est, nobis exhibent *obseruata* in eo *Φαινόμενα* vulgaria & rariora. Non minus constat de constanti *corporis in animam* suam *energia*. Bicorporis itaque hominis in animam suam energia non potest non esse duplicata. *Duplex* in vniuersum exstat *organismus sensorius*,
VNUS

vnus in dextro , alter in sinistro latere , vterque alteri similis , & exacte amen simul ab eo distinctus. E. vna eademque , ex vtroque latere oblata , sensuum obiecta , non quidem in vtroque , sed tamen ex vtroque , sentit anima. E. eadem *bis* illam adficiunt. E. licet eadem , ex arcana *sensationis lege* , non *bis* sentiat , eadem tamen duplicata sentiens , *duplicis* huius *organismi* vi , ab vtraque corporis parte proficiente , adficitur. *An* , vtrumque ita adfecta , acutius sentit , quam si ex altera tantum fuisset adfecta ? *Cur* porro , *bis* adfecta iisdem , eadem non *bis* sentit ? *Cur* v. c. binis oculis eadem obiecta bis oblata non bis videt , *cur* binis auribus non bis audit ? Nonne in hoc ipsa *anima simplicitatem* suam optime demonstrat ? Nonne in hoc mysteriosae suae *simplicitatis* multo euentius multoque ad conuincendum potentius subministrat argumentum , quam quae adhuc suas ipsorum animas heic non audientes *Philosophi* tam anxie quaesiuerunt , quaesitaeque se reperisse frustra gloriati sunt. Sed haec *ὡς ἐν παρόδῳ* , alibi ex-
cutienda. Quae huc spectant , prosequor. Bis oblata licet semel sentiat anima , bis tamen iis adficitur. Bis ita adfecta duplicem a duplicato corpore experitur energiam. Bis non tantum binis oculis auribusque , sed ceteris quoque sensuum organ-
is , gustus , olfactus , tactus strictius dicti , Bacchi , Cereris , Veneris , irritamentis adficitur. Bis ergo ita vbique adfecta , bis patitur , nunc iucunde , nunc moleste , prouti stimuli , vel *stimulati organi* , vel *stimulatae* ipsius sentientis *animae* conditio id tulerit. *Duplici* huic virium duplicati C. H. *energiae* respondet certe *vis motrix* ipsius animae. Huius inde inductis mutationibus respondent *intellectus* operationes , intellectui obsequiosa est *voluntas*. Haec *Psychologia empirica* & *sui intuitio* quem-
uis edocet. Quo igitur vsque *bicorporis* hominis in animam suam energia progreditur , eo vsque haec quoque *duplex* existit. Praeter ambiguam hanc , & a potiori *passiuam* , ancipitis *animae* humanae *duplicitem* , ad quam manifestissima C. H. *duplicitas organica* nos deduxit , aliam illius , eandemque priori contrariam , inuenimus *duplicitem*. Neque enim *patiendō* tan-



tum, sed *agendo* etiam *anceps* est. *Animae energiae* obsequio-
sum quoque est *corpus organicum*. Illius in hoc imperium non
modo in *motibus* corporis *voluntariis* sese manifestat, verum
etiam haud raro ad ipsos *vitales* extenditur. Hoc iterum iterum-
que a fidissima & propria abunde compertum habemus experi-
entia. Aberrans a veritate *vis intelligendi* aberrare facit *volun-*
tatis conamina. His bene vel male ordinatis, ordinate, vel
inordinate adficitur *vis motrix* animae. Haec, hac illaue ratio-
ne excitata, perinde excitat *corporis vires*. His commouetur
corpus ipsum, nunc ab vtraque, nunc ab alterutra, nunc ab
alterutrius aliquibus partibus. *Duplex* igitur animae in corpus
suum datur imperium, quia duplicatur illud est, & ex utro-
que latere ei imperat. Neque haec illius in *agendo duplicitas*
simplicitati eius aliquid derogat. Namque illa ipsa non diffu-
it, sed energiam suam duntaxat diffundit. Vna eademque est
& anima & vis animae, per uniuersum corpus suum regnans.
Hoc ipsius veluti Dipolis est, in qua reginae instar relidet,
regnatque a dextris & a sinistris. Iam iam itaque, ni omnia
me fallunt, nemini amplius obscurum esse poterit, hominem
reapse non tantum *bicorpore* esse, sed etiam *bianimem*, adeo-
que quoad vtramque sui partem prorsus *ancipitem*. Verum quo-
que, *quoad vtriusque unionem*, adeoque *totum*, esse *ancipitem*,
supra adserui. Nec hoc adsertum minus euidentius esse credo.
Homo, quoad vtramque sui partem *anceps*, ut integer & in
vtriusque nexu pariter sit *anceps*, necesse est. In hoc vtrius-
que centro consistunt, ab hoc vtriusque emanant, ad idem
pariter ab vtraque parte concentrica confluunt, qualiacumque
adeo ambigua *ancipitis hominis φαινόμενα*, ut ut sensibus nostris
obtusis aequae, ac illa, quae in anima remotiora existunt, mi-
nus obuia. Sed quae *bicorporis* nostri organi beneficio non
atingimus, ea tamen saepius *ancipitis* nostrae *mentis* aciem
haud plane effugiunt. Quae ex demonstratis sponte conse-
quuntur, plurima sunt, &, quae expendantur, dignissima.
Pauca attingam, quae heic intacta relinquere non possum.
Homo totus *anceps*, *anceps* ab vtraque parte, vtriusque par-
tis



tis studiosus, aequae fauens a dextris & sinistris, vtriusque lateris homo, si placet, vtriusque philosophiae, vtriusque theologiae, saltem vtriusque medicinae. Ab humanitatis enim fluxa sorte quis sine rubore plane se eximi velit? *Iura Gallis les droits*, Germanis *die Rechten*, vtrimque a *dexteris* dicuntur. Hinc iurium periti illis quidem *Droituriers*, his autem *Rechtsgelehrte* adpellantur, quasi a *dextris* periti. Opposita adlutione illudunt *Medicis*, hosque *sinisteriores* habent, adeoque eos dicunt *sinistri lateris Doctores*, germanice *Doctores der lincken, linksgelehrte*, quum illi sint *dextri Doctores* s. *Doctores a dextris, Rechtsgelehrte*. At at, *primo respondeo*, ironiam haec sapiunt. Ironiae, *addo*, ironiis dignae sunt. Illa ergo, *superaddo*, nostra irrisione non minus sunt digna. Hinc subridendo porro pergo, omne simile claudicat. Et hoc *praeterea* claudicat sane quam egregie. Vtrius enim, *nunc* quaero, lateris esse dixeris Theologiae Doctores? Num neutrius, an vtriusque, an alterutrius, & si hoc, vtriusnam? Cur de his taces? Certe ii nulla ratione prorsus excludi possunt. *Praeterea* pulchra quidem illa est *synonymia*, sed, quod *ultra* addendum est, ceteris paribus. Omnes *insuper synonymiae* in Eruditorum foro recte quoque dicuntur aequiuocae. *Decimo* videas haud paucos, qui a sinistris ad res suas obeundas magis idonei sunt & exercitatiores, vt in sacris funditores Beniaminitae, adeoque re vera a sinistris, quam a dextris, dexteriores. *Vndecimo* iuris ambiguitas aequae ludicra foret, nisi distingueres inter *ius* & *ius*, ac inter *iuris* & *iuris consultos*. *Duodecimo* differunt omnino *droituriers* & *droitiers*. Differunt *decimo tertio* a dextris periti & dextre periti. *Decimo quarto* satis dextre periti non dum sunt a solis dextris periti, sed, quod ideo *decimum quintum* est, pro dexterioribus habendi sunt, qui ab vtraque, hoc est, a dextris & sinistris simul valent, adeoque, quod *decimo sexto* loco ponimus, ad vtrumque in eo, quod fas est, ex vtraque, vel rerum, vel hominum parte, parati. Consulto dixi: *in eo, quod fas est*. Sunt enim, quod *decimum septimum* esto, qui aliter ad vtrumque, ad fas puta & nefas, sunt parati.



parati. Hi certe, quod *decimum octauum* sibi vindicat locum, tantum abest, ut dextri sint lateris, ut ne alterius quidem lateris dici mereantur, tametsi a dextris habeant nomen. Neque vero de solis causarum forensium actoribus mihi heic sermo est, sed de quibusuis in quouis foro veritatis & virtutis causarum Patronis. Hosce, ita *decimo nono* concludo, omnes omnino esse oportet ambidextros, ut, quod fas est, in omnibus rebus humanis ambabus adripere, quodque in illis est nefas; aequimani, quoad licet, repellere queant. Exsurgit hinc, omnem tollens ambiguitatem, *dichotomiae* huius *dilemma* tale: Quicumque vnus tantum, solius nempe dextri, lateris esse perhibentur, ii tamen, quod *viceesimum* est, aut (*sec. n. 17.*) ancipites sunt, & male quidem ancipites, aut, quod *viceesimo primo* loco pono, gloriose sunt, & esse debent (*sec. n. 19.*) non a dextris tantum, sed vtrisque paratiores. Hinc, ita *viceesimo secundo* loco pronuntio, in semet ipsos iniurii forent ipsi iurium periti, qui non nisi a dextris stare & accipere, adeoque a dextris tantum (*rechtsgelehrte, gelehrte der rechten* sc. *Seite*, seu *rechterseitsgelehrte*) saluari gestirent. Hinc, ecce *viceesimum tertium*! praeter se in Medicos vna quoque forent iniurii, si hosce, quia non sunt iurium periti (*gelehrte der rechten*) sinistri lateris peritos (*linksgelehrte* seu *gelehrte der linken*) vel ipsi vocitarent, vel ab aliis vocitari vellent, perinde, ac si hi eorum tegerent sinistram, quum tamen ad id *Medicis* opus non sit, &, quemadmodum horum consilia sinistra terra tegit, ita illorum iudicia sinistra alia tegant obtegantque satis superque. *Vicesimum quartum* heic addit poeta Sulmonensis, ita canens:

Non bene coelestes impia dextra colit.

Quæ ergo, quæso, illa *dextratio*, quæ dexteritas? Sed hæc transeant cum sinistris! Ita vero, quod *viceesimum quintum* est conclusum, in propatulo est, quo nomine, quoque jure non tantum iurium periti, ut vtriusque iuris, ita & vtriusque partis studiosi sint habendi, sed etiam quilibet homo, quia
est

est homo , vtriusque lateris homo sit , talisque esse & possit & debeat , *Medicus* maxime , quod *viceſimum ſextum* idemque *ultimum* esto , vt tandem ambiguum hanc humanae ambiguitatis causam propius ad τοὺς τῶν ἰατρῶν παῖδας traham deuoluamque. Eheu ! quam instabilis statio , quam

male fida carinis !

Si vlla in re , in hac certe , quam maxime anceps est rerum hominumque status. Anceps eorum , qui Medici curae committuntur , valetudinis ratio. Anceps proinde etiam ipsius Medici sub ista consiliorum ratio. Quisquis vero hoc nomine ancipitia Medicorum pericula pro deridiculo atque oblectamento habuerit , is sua ipsius ancipitia , prius deridenda , haud agnouerit , necesse est. Ego vero cum Collegis meis haudquaquam turpe mihi duco , publice & sine rubore profiteri , Medicum esse hominem maxime ancipitem , & utriusque partis hominem , multiplici quidem ex necessitate , & vel ex hac , quod quilibet homo , nec , ut vulgare habet inter nos brocardicum , sola *femina* , *morbum bis patitur* , bisque patiens binis vbique vicibus totus , & quoad vtramque sui partem , anceps nobis offertur curandus. Ab his ad alias reuertor ambiguitates humanas. Homo (ita pergo) Dioscurus , Castor & Pollux. Est , vbi sit sine contradictione monoceros bicorniger , non , qualem Mosen pictores vulgo pingunt , sed qualem graphicis depictum coloribus nuperime exhibuit festiuissimi vir ingenii , Cl. CAROLVS FRIDERICVS HOMMELIVS , in libello *de iure harlequinizante* , Atticis leporibus refertissimo. Conf. ALEX. ARNOLDI PAGENSTECHERI Diff. *de cornibus & cornutis* , rec. in *Act. Erud. Lips. Anno 1715. mens. Mart. pag. 120. seqq.* Homo dimoerites , saepe diobolaris , bichordulus , nunc concordans , nunc discordans , bimetrus , disticha pingens fingensque , modo mollius bisyllabum , modo durior diphthongus , dipyros , dimachus , dipondius , academicus non tantum iuuenis , sed

) () () (

&

& senex, saltem dipondarius, aequiore bilance ponderandus, morali & medica, nunc bifer, nunc bifur & duplifer, duplione dignus, bispellio, bis gaudens, bis maerens suis alienisque bonis malis, bis irritabilis, bis pacificus, bis blandiens, bis minans, bis nocens, bis iuuans, bis amans, bis inuidens, hinc *bis amandus*, *bis fugiendus*, bis laudandus, bis reprehendendus. Sic itaque homo binus in omnibus, vndique bigatus, duplus, & saepe numero duplicarius. Sed ultra multiplicare haec duplicata desino, *tria* tantum addens hisce *quaesita*. An frustra homo factus est bicorpor? Ni frustra, (Deus enim & natura nihil faciunt frustra) *cur* corpore praeditus est duplicato? Vt, respondeo, ornatior esset, de quo pulchre iam exposuit Christianorum ille Cicero, LACTANTIUS, *de opif. Dei. Cap. VIII.* vt, quod maius est, ad suas in hac vita necessitates aptior esset atque expeditior, pluribusque simul inferuire posset, vt ita in peragendis rebus suis ad utrumque esset paratus, ut, vna ex parte laesus, tamen vigeret ex altera, ut v. gr. hominis vitam viuere posset semimortuus, quemadmodum paralyticus ille, quem supra dixi, ex sinistra parte hominis vitam viuit, *cet.* Num, quod *tertium* est *quaesitum*, exuto euidenter crassiori hoc corpore duplicato, anima ipsi data olim vtraque ex parte heres erit, an ex dimidia, an ex neutra? Ad hoc vel ipse L. B. respondebit, vel ego respondebo alibi. Taceo quoque tectam illam, faxeoque bifidato cranio reclusam ancipitis hominis diploën. Serra enim ad illud dissecandum nunc destituor, nec ferram cum alio heic reciprocare consultum duco. Mitto denique lubens qualiacumque alia a *bi* & *di* incipientia ancipitis hominis *dilemmata* & *diplomata*, quorum plurima eademque dictu longe dignissima superessent.

Clausulam generalioris huius *dichotomiae* faciat spectabilis adhuc in indiuiduo *dichotomia*, TVI, inquam, PRAENOBILIS-

BILISSIME CANDIDATE, ipfius *dicbotomia*. Homo est homo. Homo, quia est homo, est anceps. Omnis igitur homo est anceps. TV homo es. E. quia es homo, es anceps. Ita mecum de TE ipfo fentis. Sentis ita, quia id expertus es, &, quia ita fatis es expertus, ab experientiffimo propius iam abes. Ita mecum fentiens, idem mecum in cathedra quoque inaugurali defendes, in hac inconstantia constantior. Eum enim in finem TVAE, quam proprio Marte, in ambiguo minus ambigue militante, exhibes, differtationi meam hanc ambiguum fubiicere volui differtiunculam. In ancipiti res est, prout eam, nosque cum ea oppugnauerint aduerfarii. Ancipites erunt, nec alii effe poterunt. Pugnando contra nos negabunt, hominem totum effe ancipitem. Hoc vero verum veriffimumque est adfertum. Hoc ergo negando non poterunt non fe praeberere ancipites. Quid tum, quum ipfimet ufque fimus ancipites? Sed ad TE & TVAM laudabilem fane naturam propius accedo. Glorioso inftinctu & confilio anceps eras Philiafer, pulchre dualis, nobilis dualifta, qui, ut in anatomica dualis hominis diffectione, ita in aliis quoque rebus medicis,

in duo divifit, quidquid in orbe fuit,

medico nempe. Etenim ad nos quoque fpectat tritum illud: *Diuide & impera*, falutari puta, hoc est, medico confilio diuidenda & imperanda. Binus in vno, & vnus in duobus, eras in duobus profectum TVORVM apud nos examinibus. Bino inde honore nunc dignus cathedram confcendes inauguralem, anceps ancipitem, in eadem iccirco ad vtrumque vtroque ex latere paratus. Inde descendes adhuc anceps ad ancipites aegros aegrisque adftantes. Precor, vt & heic ancipites inter miferiarum humanarum cafus bene & feliciter anceps elucteris, in eoque, quod fupra dixi, immutabilis falutis noftrae centro confiftas. Ita vero diuino adiutus
auxi-

auxilio , bene anceps & vtriusque lateris Medicus eris, nunquam alterutrius tantum partis studiosus , sed vtrique aequae fauens , ab vtraque , & pauperum , & diuitum , aequa stans officiositate , rite vbiq̃ue ambidexter, aequimanus & aequanimis , sicque bonis omnibus carus , & Angelus. Medicus, totus ita amice & pulchre variabilis , nunquam tamen volubilis & circumuagus. Bene tandem , quod praeterire non possum , anceps eris in proximo circa Artem & Martem duali. Anceps cogita , vtrumque esse ancipitem. Bene ancipitem precor vtrumque. Precatus ita , tali TIBI vale dico consilio : *Fide , cui fidas , vide , vtrumque* anceps, h. e. neutri & vtrique.

